



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

Pavlvs Papa Tertivs, ad perpetuam rei memoriam.

urn:nbn:de:hbz:466:1-10840

ritas, rationibus suis quantum officiat, omni arte contendit ea obruere, prorsusque de medio tollere, sed frustra, nam rumpatur icet, hoc ipso indicat, opus diuinum omnino id esse, quod insectationibus alatur, & tempestibus germinet,] haec tenus Episcopus Torres. Quae tamen aut parum amici, aut nimis ignari Exercitiis opponebant, non solo contemptu refelli oportuit; quod præsertim auctores, partim manifestos, partim occulte infestos præferrent, qui si minus veris, uno saltem nominis pondere, suspicionem mouere poterant. Quare Dux Gandiae (postea B. Franciscus Borgia) causæ bonitate, & publici commodi studio apud Paulum tertium supplex egit, de Exercitiis Spiritualibus Ignatij, post seuerum Examen approbandis, & Apostolica auctoritate muniendis: acquieuit lubens roganti Pontifex, & librum ab Andrea Frusio, ex Castellana lingua Latinæ redditum, censuræ commisit virorum trium, qui tunc Rome scientia, & dignitate eminebant; Ioanni Aluaro Toletano, Burgensi Episcopo, ex Ordine Dominicatorum; Philippo Archinto Pontificis Romæ Vicario, & P. F. Ægidio Folcarario, sacri Palati Magistro: quorum ubi accepit tam plenam cum laude approbationem, ut ne syllabam quidem in iis attigissent, anno 1548. ea Pontificio diplomate munita, confirmauit, tutumque illorum usum declarauit. Relatu dignum, lectuque diploma appono.

*PAVLVS PAPA TERTIVS,
ad perpetuam rei memoriam.*

P Astoralis officij cura, in vniuersum Christi gregem nobis commissa, & diuinæ gloriæ ac laudis amor, facit, vt ea quæ salutem animarum, & spiritualem earum profectum iuuant, amplectentes, vota eorum, qui aliquid, quod fouere, & nutrire pietatem in Christi fidelibus valeat, à nobis exposcunt, ad exauditionis gratiam admittamus. Cùm ergo (sicut dilectus filius, nobilis Vir, Franciscus de Borgia, Dux Gandiae, nobis super exponi fecit) dilectus filius Ignatius de Loyola, Præpositus Generalis Societatis Iesu, per nos in alma Vrbe nostra eretæ, & per nos auctoritate Apostolica cōfirmatæ; quædam documenta, sive Exercitia spiritualia, ex sacris Scripturis, & vitæ spiritualis experimentis elicita, composuerit, & in ordinem, ad piè mouendos fidelium animos, aptissimum redegerit; illaque Christi fidelibus, ad spiritualem consolationem, & profectum magnopere utilita, & salubria esse, non solum famâ ex plurimis locis allata, prædictus Franciscus Dux didicerit; sed etiam experimento manifesto, cum Barcino- ne, tum Valentia, tum Gandiae, id compertum habuerit. Quare idem Franciscus Dux nobis humiliter supplicari fecit, vt documenta, & spiritualia Exercitia prædicta, quo latius eorum fructus pateat, & plures

B 3 Chrys

Christi fideles, maiori cum deuotione ad utendum illis, inuitentur, examinari facere: & si approbatione, & laude digna inueniremus, appobare, & laudare, aliaque in premissis opportune prouidere de benignitate Apostolica, dignaremur. Nos igitur, qui documenta & Exercitia huiusmodi examinari recimus; & quae testimonio, ac relatione, dilecti filij nostri, Ioannis Tit. S. Clementis, presbyteri Cardinalis Burgensis Episcopi, ac haereticae prauitatis inquisitoris, & venerabilis fratri nostri Philippi Saluarium Episcopi, ac dictæ Vrbis nostræ in spiritualibus Vicarij generalis, necnon dilecti filii Aegidij Foscararij, nostri Sacri Palatij Magistri, nobis desuper facta, pietate, ac sanctitate plena, & ad edificationem, & spirituali profectum fidelium valde utilia, & salubria esse, & fore compremus: debitum etiam respectum ad fructus vberes, quos Ignatius, & ab ipso instituta Societas prefata, in Ecclesia Dei vbiique gentium producere non cessant, & ad maximum adiumentum, quod ad id predicta Exercitia attulerunt, non immerito habentes: huiusmodi supplicationibus inclinati, documenta, & Exercitia predicta, ac omnia & singula in eis contenta, auctoritate predicta, tenore presentium, ex certa scientia nostra, approbamus, collaudamus, ac presentis scripti patrocinio, communimus. Hortantes plurimum in Domino, omnes & singulos, utrusque sexus, Christi fideles vilibet constitutos, ut tam piis documentis & Exercitiis vti, & illis instrui deuotè velint. Necnon concedentes, ut huiusmodi documenta & spiritualia Exercitia imprimi, à quocumque Bibliopola per predictum Ignatium eligendo, libere & licite valeant. Ita tamen, ut post primam editionem, sine consensu ejusdem Ignatij, vel succellorum eius, nec ab hoc, nec ab alio omnino, sub excommunicationis & 500. ducat. piis operibus applicandorum, pœnâ imprimi possint. Ac mandantes nihilominus vniuersis, & singulis locorum ordinariis, ac personis in Ecclesiastica dignitate constitutis, & Cathedralium, ac Metropolitanarum Ecclesiarum Canonicis, & earumdem ordinariorum Vicariis, in spiritualibus, generalibus & Officialibus vilibet constitutis, quatenus ipsi, vel duo, aut unus eorum, per se, vel alium, seu alios, cuiusvis Societate predicta, vel aliis, quorum intererit in premissis spiritualibus Exercitiis, efficacis defensionis predictio assistentes, faciant auctoritate nostra illos dicta concessionem, & approbationem pacifice frui, & gaudere: non permittentes eos, per quoscumque, contra predictum tenorem quomodolibet molestari: contradictores quilibet, & rebelles, per censuras, & pœnas Ecclesiasticas, ac alia opportuna iuris remedia, appellatione postposita compescendo: inuocato etiam ad hoc (si opus fuerit) auxilio brachij secularis. Non obstan. fel. rec. Bonifacij Papæ VIII. Praedecessoris nostri de una, & Concilij generalis de Duabus diætis, dummodo ultra tres, aliquis, auctoritate predictum, non trahatur; & quibusvis aliis constitutionibus, & ordinationibus Apostolicis ceterisque contrariis quibuscumque. Aut si aliquibus communiter vel diuissim ab eadem sit Sede indultum, quod interdici, suspendi, vel excommunicari

municari non possint per litteras Apostolicas, non facientes plenam, & expressam, ac de verbo ad verbum, de indulto huiusmodi mentionem. Volumus autem, quod præsentium litterarum transumptis, manu Notarij publici subscriptis, & sigillo alicuius Prælati, seu personæ in dignitate Ecclesiastica constitutæ, munitis, plena fides vbique habeatur & illis stetur tam in Iudicio, quam extra, ac si originales Litteræ exhiberentur, & ostendentur. Datum Romæ apud sanctum Marcum, sub annulo Piscatoris, die vltimo Iulij, millesimo quingentesimo quadragesimo octauo. Pontificatus nostri anno x iv.

BLO. EP. FVLGINEN.

Ita demum os aduersariis vel occlusum, vel factum ne posthac audent, quod Petri Sedes comprobasset, absque temeritatis nota & male-dicentia, damnare, aut carpere. Ex eo diplomate duo consequuntur momenti ad veritatem grauissimi. Primum, (quod notat illustris Theologus & in nouarum hæreticon expugnatione, posteris memorandus) Baij sequacibus, mītum videri non debere, si suis artibus disturbantis, euentendisque machinis, aduersarios potissimum senserint ex Ignatij familia socios. Habant enim Exercitia S. Patris tum quatuordecim Regulas discernendorum à fallacibus, & dubiis, piorum diuinorūmque spirituum; tum decem & octo alias, cum Ecclesia Catholica sentiendi; quæ multa continent falsis & Baij dogmati, & recens damnatis Iansenij erroribus planè opposita; sunt tamen ea Regulæ supremi quam retuli auctoritate oraculi, clare adeò disertèque probatae, vt dixerit Pontifex, *Documenta, & Exercitia prædicta, & singula in iis contenta, auctoritate prædicta, tenore præsentium, ex certa scientia nostra, approbamus, collaudamus & præsentis scripti patrocinio communimus.* Ergo illa quam impetrant doctrina cum esset nobis hæreditaria, & patrimonij iure, ab ortu debita, omnino à nobis defendi eam opportuit ab iniqua usurpatione, nec possunt sperare fore vñquam ex hac familia iuris huius præuaricatorem, & transfugam, nisi se eadem opera degenerem profiteatur, & spurium. Nec illud alterum ex duobus, quæ sequi dixeram, habendum minoris, quod via quam tenet ad virtutem, pietatemque Societas, auctoritatem hinc etiam nacta est securitatis non dubia, cum tota iis constet regulis quas sanctissimus Fundator, eo libello confignauit. Hoc verò quanti sit, ob periculum exerrandi, si quis seipsum sectetur ducem, aut calles ineat parum turos, fidem facit Ioannes Auila, magnus ille in diuinis præceptor, solitus nostris ingerere quantas Deo deberent gratias, quod ab ipso primo in Societatem ingressu, certi essent se iter ingredi, securi ad perfectam virtutem ad quam vocarentur successus, sibi multo secuus eueniisse, vt qui sæpius se hallucinatum in orandi modo, suo damno, sed diu post, animaduertisset. Nam vtcumque nunc passim in externis, (qua causa non dixerim) non sit Exercitorum tam frequens usus, vt olim fuerat, cum vel Parmæ tantum, centum simul iis operam dabant, Petro Fabro

XX.

*Secura quam
tenet Societas
pietatis via
& quam sape
Exercitii
utatur.
Franc. Annat.
c. 8. l. vlt.
Aug. à Baian.
vindic.*